

Noor Mohamad  
Shakil Hameed

HARIAN METRO

**M**enyedari hakikat betapa rakyat terutamanya golongan muda mahukan lebih banyak peluang pekerjaan, kerajaan dilihat terus komited melaksanakan pelbagai inisiatif bagi mencipta lebih banyak peluang pekerjaan di negara ini.

Ini juga membuktikan komitmen kerajaan yang serius menangani dan mengurangkan kadar pengangguran di negara kita. Walaupun kadarnya masih rendah iaitu di bawah paras empat peratus, kita tidak boleh berpuas hati, sebaliknya wajar terus mencipta lebih banyak peluang pekerjaan.

Terkini kerajaan melancarkan program MyApprenticeship yang dijangka menambah sejuta lagi peluang pekerjaan. MyApprenticeship adalah satu lagi inisiatif di bawah Strategi Lautan Biru Kebangsaan (NBOS) dan tertumpu kepada penempatan graduan belia, wanita, diploma dan ijazah serta pekerja untuk mengambil bahagian dalam perantisan di sektor awam dan swasta dalam mendapatkan pengetahuan, kemahiran dan pengalaman kerja yang berharga demi kebolehpasaran mereka.

Program baru ini diterajui Kementerian Sumber Manusia (KSM) dan Kementerian Kewangan membatikan kerjasama NBOS dengan Kementerian Belia dan Sukan (KBS), Kementerian Pembangunan Wanita, Keluarga dan Masyarakat (KPWKM), Kementerian Pendidikan Tinggi (KPT), Kementerian Pendidikan Malaysia (KPM) dan Blue Ocean Corporate Council (BOCC). Malah sebagai galakan dan insentif kepada syarikat yang bersetuju menyertai program ini, kerajaan bersetuju memberikan potongan cukai berganda kepada semua syarikat berkenaan.

Ironinya peluang sejuta pekerjaan ini adalah tambahan kepada janji kerajaan untuk mewujudkan tiga juta peluang pekerjaan baharu seperti diumumkan menerusi Aku Janji Ketiga dalam Manifesto Kerajaan Barisan Nasional (BN) yang diumumkan baru-baru ini untuk tempoh lima tahun akan datang.

Malah rekod sebelum ini cukup memberangsangkan, misalnya mengikut data Sistem Kajian Pengesanan Graduan, Kementerian Pendidikan Tinggi (KPT), kadar kebolehpasaran graduan pelajar institusi pendidikan tinggi (IPT) di negara kita tahun 2017 ialah 79.1 peratus yang menyaksikan peningkatan sebanyak 4.1 peratus berbanding 75 peratus tahun 2013. Sejak 2013, kadar ini menunjukkan trend yang meningkat dan sudah pastinya ini satu petunjuk cukup baik dan signifikan.

Di samping itu, menurut data Persatuan Buruh Antarabangsa (ILO), pada Mac 2017, kadar pengangguran belia (berumur 15-24 tahun) di Malaysia berada pada tahap rendah iaitu 12.4 peratus berbanding beberapa negara lain seperti Indonesia (19%), New Zea-

# Jangan beri alasan tak ada kerja

land (12%), Filipina (13.5%) dan Australia (12.5%) dengan purata dunia adalah 13.4 peratus. Ini sekali lagi menunjukkan peluang anak muda negara ini memperoleh pekerjaan terbuka luas dan memberangsangkan.

Pelbagai inisiatif lain yang telah dan sedang dilaksanakan juga banyak membuat hasil dengan menyediakan peluang pekerjaan kepada golongan muda secara konsisten. Antaranya melalui peluang latihan disediakan kerajaan melalui program Skim Latihan 1Malaysia (SLIM).

Kerajaan telah memperkenalkan SLIM sejak 2011 untuk memberi latihan kepada graduan yang sukar mendapat pekerjaan

**FAKTA**  
Kerajaan memperkenalkan SLIM sejak 2011 untuk memberi latihan kepada graduan yang sukar mendapat pekerjaan

kepadanya yang sukar mendapat pekerjaan kerana tidak mempunyai kepadanan kemahiran dalam industri dengan mengikuti latihan pekerjaan di syarikat pelaksana SLIM.

Secara umumnya SLIM bertindak sebagai platform latihan kebolehpasaran graduan dengan memberi penekanan kepada lima aspek pembangunan diri graduan melalui modul SLIM iaitu komunikasi berkesan, pemikiran kreatif dan penyelesaian masalah, meny-

suaikan diri dalam organisasi, suntikan semangat untuk berjaya dan tatatertib dan protokol dalam dunia korporat.

Peserta yang mengikuti program ini akan menjalani Soft-Skills Training dan On-The-Job Training dengan syarikat yang mengambil bahagian bagi meningkatkan keyakinan diri dan diberi pendedahan dengan suasana kerja yang sebenar.

Program SLIM ini boleh dikatakan lebih komprehensif dan berfokus untuk melatih graduan mencebur apau jua bidang pekerjaan dengan cepat melalui keyakinan diri yang tinggi berbanding latihan industri mahupun praktikal yang dilalui graduan ketika bergelar mahasiswa di penghujung pengajian mereka bagi memenuhi keperluan untuk bergraduat.

Latihan industri adalah wajib dan mahasiswa terlalu fokus untuk lulus bagi bergraduat, tetapi SLIM adalah program berbentuk sukarela dan mengikut minat masing-masing di mana tiada paksaan untuk mengikutinya. Jangka masa program ini bergantung kepada keperluan pihak syarikat yang melatih dengan tempoh

maksimum 12 bulan.

Kumpulan sasaran program ini ialah graduan yang menganggur daripada keluarga berpendapatan rendah dan graduan yang bekerja tapi tidak setaraf dengan ijazah.

Jadi jelas di sini, pihak kerajaan cukup serius dan konsisten dalam melaksanakan tanggungjawab sosial dan moral mereka dalam menyediakan sebanyak mungkin peluang dan laluan kerjaya kepada rakyat.

Bukti dan rekod selama ini mengesahkan perkara itu dengan jelas sekali. Maka sekarang terlalu kepada rakyat sama ada mahu mengambil peluang yang disediakan ini atau terus memberikan pelbagai alasan untuk tidak berkerja. Antara alasan paling klise yang biasa kita dengar ialah gaji yang rendah dan kerja yang tidak setimpal dengan kelayakan. Persoalannya sahaja bila anak muda kita mahu berselindung di sebalik alasan klasik seperti ini?

Kepada rakyat kita terutamanya golongan muda yang masih terbaik mencari peluang pekerjaan, bukalah mata dan minda anda dan rebutlah peluang pekerjaan yang sedang dicipta oleh kerajaan. Ingat zaman kerja mencari kita sudah lama berlalu. Sekarang persaingan cukup hebat, bilangan graduan juga semakin bertambah maka kita perlu proaktif dan ag-


resif dalam merebut segala peluang yang terhidang di depan mata. Sepatutnya tidak timbul lagi alasan tidak ada peluang pekerjaan.

Penulis ingin berpesan kepada anak muda negara ini janganlah terlalu memilih pekerjaan. Sedarah betapa pasaran kerja hari ini sedang memasuki zaman perubahan yang sangat pantas, kompleks dan dinamik. Hari ini semua pihak bercakap tentang Industri Revolusi 4.0, kecerdasan buatan (AI) dan ledakan teknologi maklumat dan komunikasi. Jadi kalau kita masih dengan sikap memilih pekerjaan dan memberikan seribu satu alasan, kita akan terus ketinggalan, menjadi semakin tidak relevan dan bakal di telan zaman.

Justeru, hargailah inisiatif yang telah, sedang dan akan dilaksanakan kerajaan untuk mencipta lebih banyak peluang pekerjaan demi menyediakan pekerjaan kepada rakyat, sekali gus mengurangkan kadar pengangguran di negara kita. Jangan terus memberikan alasan sebaliknya bangkit merebut peluang yang disediakan dan mengubah nasib diri, keluarga dan masyarakat.

**Penulis Timbalan Pendaftar Fakulti Kejuruteraan Universiti Putra Malaysia**

## Dialog Kotaraya



Oleh Juragan